



**S. Augustinus, Episcopus in Africa Hipponeñsis, Veritatis
Evangelico-Catholicæ In Potioribus Fidei Controversiis
Testis Et Confessor, Contra Bellarminum Et Alios
Scriptores Papæos, antiquos pariter & ...**

Reiser, Anton

Francofurti, 1678

Lib. I. cap. 9. de Ecclesiæ Monarchico Regimine

[urn:nbn:de:hbz:466:1-72506](#)

tis, quibus à Bellarmino indirecta Pontificis potestas in temporalia probatur, indirectam Imperatoris & eiuscunque supremi Magistratus in spiritualia potestatem posse probari. Non repeto, que in vindiciis Evangelico-Thomisticis ex *Cassino* de Curâ regum & Principum Ecclesiasticâ prolixius adduxi, saltem id dico, si ea addantur, que *Savvedra* in Idea Principis Christiano-Politici sub Symbolo supra vigesimum quarto de eâdem remonuit, multum juvari posse Evangelicorum Sententiam.

CAPUT NONUM,

De

Regimine Ecclesiastico, præcipue Monarchico.

Ad hujus defensionem suppetias iterum ferre invitus cogitur Augustinus, & non unis quidem rationibus & argumentis. Primum à similitudine Monarchie Angelorum dicitur, de quâ audacter Bellarminus scribit, *cerum esse & exploratum, inter Angelos, præter summum Regem, Deum, unum esse, qui aliis omnibus presit;* & initio quidem hæc dignitate prædictum fuisse eum, qui *Diabolus nunc dicitur*, quod deducere se posse existimat ex

Cap. 14.

noto Isaiae oraculo, quo Luciferi de Cœlo casus describitur, post *Hieronymum & Cyrillum Alexandrinum* in primis etiam Augustino per Luciferum intelligentem Diabolum. Non prolixo examinabo ipsum hujus Bellarminianæ opinionis fundamentum, utpote quod

à *Sanctio*, ejusdem cum Bellarmino religionis & ordinis Scriptore præstatum est; sed Augustini mente tribus tantum verbis iudicabo, utpote à Bellarmino non sincere propoñitam, nimis non ita crudè & nudè scriventis, hunc Luciferum ab Isaia descriptum

Lib. II. de esse Diabolum, sed *Prophetam sub figurâ à Principiis Babylonie personâ Diabolum notare.*

C. D. c. 15. Hinc celebris inter suos post *Sanctum Isaiae Interpres, Gabriel Alvarez*, variorum re-

censens & distinguens Explicationes, Augustinum non refert inter eos, qui de solo Diabolo hoc Oraculum interpretati sunt, quos præter alios Patres, & in primis *Origenem, Ensebium & Bernhardum*, tuisse scribit *Liranum*, & è modernis *Leonem Castrum*, additique, *Vasquezium* censuisse, esse sine fundamento istam Interpretationem; sed inter eos, qui

Sensu quidem literali regem Babylonis intelligi debere, spirituali autem Diabolo hæc accommodari posse statuunt, utpote *Basilium, Cyrillum, Hieronymum*, quos duos Augu-

stino etiam jungit Bellarminus, alios, quorum authoritate tamen non attentâ ipse

Vid. D. Alvarez eam amplectitur Sententiam, quæ unicum literalem de Rege Babylonis Sen-

Franz. sum admittit, ad Patrum objectam autoritatem respondens, *Eos, cum viderent, hac Ver-*

Tarnov. *baprecise sumta bene in Diabolum convenire & in Ejus superbiam, que causa fuit cadendi,*

Glaß. *omissâ interim aut non considerata personâ, à quâ, sed cui dicerentur, sine ullo literalis Sensus incommodo Sathan accommodasse*, quod ultimum an bene dictum vel scriptum sit, iijudicent, qui de Sensus literalis sinceritate ex accuratâ circumstantiarum considera-

tione sententiam dicere didicunt. Secundum sequitur, quo Augustinum in suas trahere

partes studuit Bellarminus, Monarchicum Ecclesia regimen ab Analogia V. T. nomi-

natum summo Aaronis Sacerdotio & omnium eorum, qui Aaronis in officio Sacerdotali fuere Successores deducens, quos omnes Monarchicâ autoritate olim instructos

fuisse, ac Monarchicâ Ecclesiam N. T. gubernasse, typumque gessisse futuri regiminis

in Ecclesia N. T. adeoque hodienum eadem ratione Ecclesiam esse gubernandam,

statuit. Et quia fortasse negaturos quosdam putavit Bellarminus, *Sacrificia Veterum Chri-*

sti Passione & simul nostram oblationem designasse, per quos tamen Evangelicos intelli-

gere non potuit, utpote neutrum ex his sano sensu intellectum negantes; ideo tribus ex

Augustino testimoniorum id probare fatiget, quæ, dum infra circa examen Sacrificii, quod

dicitur, Missatice recurrent, quo intelligi debeat & possint modo, ibi explicabuntur.

Illud tantum ea inter venit notandum, Analogiam Veteris & N. T. quam Bellarminus tam instanter urget, sine tamen Augustini autoritate & consensu, qui ad prælens

Institutum quam maximè pertinet, quin & ipsam Superioritatem Aaronis & cæterorum

Sacerdotum summarum Monarchicam, ut de Infallibilitate inferius excutiendâ jam

non dicam, nondum esse sufficenter demonstrata, nec à quoquam porrò demonstrandam.

Tertium nunc videamus argumentum, quo Bellarminus ad stabiliendam Ecclesiasticæ gubernationis Monarchiam utitur, defumtum à primordiis Ecclesiæ per Apostolos plantatae, in specie, quâ facie Augustini temporibus se præbuit conspicendam, de Romanensi Principatu hoc terentis testimonium: *In Romana Ecclesia semper Apostolice Cath-*

Cathedra viguit Principatus. Quia locus hic Augustini sèpius in hoc negotio objici solet, non plane nullum erit operæ pretium, paucis Lectori Veritatis studio ostendere, quid de legitimo ejus sensu statuendum, scilicet non uni haec tenus scandalo fuerit, ansamq; plus debito de Cathedra Romanensis Monarchicā autoritate non sine anima pericu lo statuendi præbuerit. Id ut cognoscatur, observandum est ante omnia, de quānam re ibi Augustinus agat, ubi Romanensis Cathedra Principatum legitur commendasse. Nimirum scribit ibi ad aliquos Donatistarum Episcopos, quibus in memoriam revocat Epist. 162. iniquitatem damnationis & censuræ rigorosioris in Coecilianum, Ecclesiæ Carthaginensis Episcopum latæ, de quā ex aliis ejusdem Augustini Epistolis ad caput antecedens ex ad Glori- um &c. occasione itidem per Bellarminum oblatā jam aliquid notatum est. Iniquitatem hujus censuræ & damnationis eo etiam in primis ostendit argumento, quod inter damnatores Coeciliiani numerentur eorum quoque nomina, quos utut confessos Tradidores, (qui, quales apud Antiquos fuerint, præter alias docet Cerdà in Adversariis.) Secundus Cap. 35. Tigifitanus, primatum tunc in Numidiâ gerens, (cujus etiam in eadem causa superius peculiari Epistolio, nomine totius Cleri Hipponeñsis scripto fecerat mentionem) ipse etiam antehac Traditor, adeoque ejusdem criminis reus, & hinc etiam ad illud alios condonandum facilior, in Episcopatibus manere permisit Sedibus, ut præ se ferebat, Deo relinquens judicandos, atque pacis iutuitu, ne eorum damnatione Ecclesia scindetur ac Schisma aliquod pati cogeretur. Detrahere huic prætextui larvam conatus in gratiam veritatis Augustinus ostendit, non tam pacis intuitu id à Secundo factum esse, sed Eum sibi timuisse, ne, si contra Episcopos Tradidores Sententiam damnationis ferret, ieipsum subjeceret eidem censura, cum idem crimen sibi etiam à Purprio objectum non ignoraret. Ita autem hoc porrò contra Secundum urget Augustinus: *Si in ejus corde cogitatio Pacis habitaret, non apud Carthaginem postea cum Traditoribus, quos præsentes atque confessos Deo dimiserat, damnaret criminis Traditionis, quos absentes apud Eum nemo convicerat; tantò magis enim timere debuit, ne pax unitatis violaretur, quantò erat Carthago civitas ampla & illustris, unde se per totum Africæ corpus, malum, quod ibi esset exortum, tanquam à vertice effunderet.* Erat etiam transmarinis vicina regionibus & fama celeberrimâ nobilis, unde non mediocris utilitas, que authoritatis habebat Episcopum, scilicet Coecilianum, qui posset non curare conspirantem inimicorum multitudinem, cum le videbet & Romanæ Ecclesiæ, in quâ semper Apostolica Cathedra viguit Principatus, & cæteris terris, unde Evangelium ad ipsam venit Africam, per communicatorias literas esse coniunctum, ubi paratus esset suam dicere causam, si adversarii ab eo illas alienare conarentur Ecclesiæ. Pergit Augustinus causam damnati innocentem Coeciliiani agere verbis, quæ priora non parum illustrant & explicant: *Quia ergo Coecilianus venire noluit ad hospitium Collegarum, quos à suis Inimicis contra veritatem cauila sua perversos esse sentiebat, vel suspicabatur, vel, ut ipi adserunt, simulabat; tantò magis Secundus si verè Pacis custos esse voluntus, cavere debuit, ne damnarentur absentes, qui judicio eorum omnino interessentur.* Neque enim de Presbyteris, aut Diaconis, aut inferioris ordinis clericis, sed de Collegiis agebatur, qui possent aliorum Collegarum judicio, Apostolicarum præsertim Ecclesiæ, causam suam reservare integrum, ubi contra eos Sententia in absentia dicta nullo modo aliquid valerent, quando judicium eorum non primò additum postea deseruerunt, sed suspeatum semper habitum adire nunquam voluerunt. Exscribi hæc prolixius debuerunt, quia toti Controversiæ multam fœnerari possunt Lucem, unde nemini non manifestum est, plane nihil obtinere, quibusunque excerpta ex tam longo contextu Augustini Verba Monarchicum Romanensis Cathedrae principatum evincere videntur, sed videntur tantum, non autem verè evincunt. Ut enim ipsum Principatum Elogium ex Grammaticorum Scholis non prolixè examinem, neque etiam pluribus documentis ostendam, non Augustino solum alibi, nec uno in loco, sed aliis etiam Ecclesiæ Doctoribus orthodoxis, Hilario, Hieronymo, Gregorio itidem Magno, Paulum quoque, quin & cæteros Apostolorum, imò omnes in universum Episcopos, non solum Petri, sed omnium Apostolorum in officio docendi Successores dici & appellari Principes Ecclesiæ, quibus per ordinariam vocationem fuerunt præfetti, quæ tamen obserratio in hoc negotio non parum prodefesse potest; ipse saltim Augustini verborum contextus tot exhibet Evangelicæ Veritati contra jactatum regimen in Ecclesiæ Monarchicum Subsidia, ute a liunde mutuare, opus placere non sit. Etsi enim illustre merito videatur illud Elogium, quod Ecclesiæ Romanae non sit.

nensi tum temporis adscriptis Augustinus, tale tamen non est, ut principatum aliquem Monarchicum post se trahat vel presupponat, neque ex eo, quod tanquam Cathedra commendatur Apostolica, concludi debet, singularem ei idcirco prae omnibus alijs praerogativam deberi, cum eodem nomine & titulo alias plures Ecclesias venire, è classico Tertulliani loco satis notum sit, qui dupli significacione id Ecclesias adscribi, distinctissimè in de Præscriptionibus Hæreticorum exposuit, & latiori quidem sensu hunc

Vid. D.
Danii.
Christ.
Art. 1.
pag. 162.
Conf. Sal.
Cap. de
Prim. P.
c. V.P. 67.
Addc. P.
Marcæ de
Con. c. Sa.
Cer. &
Imp. lib. 6.
cap. 1.n.7.

, in modum: *Ad formam scilicet Doctrinæ Apostolicæ, probabuntur*, (Salmus ex istimat legendum, probabuntur,) quæ licet nullum ex Apostolis vel Apostolicis authorem suum proferant, ut multò posteriores, quæ denique quotidie instituuntur, tam in eadem Fide conspirantes non minus Apostolicæ deputantur pro consanguinitate Doctrinæ. Et talia non paucæ in eodem enucleatissimo Tertulliani Scripto occurruunt, quæ latiorem hanc Apostolicæ denominationis significationem aliis pluribus Ecclesiis adscribunt, ad quæ etiam referri debent, quæ strictiorem exhibent sensum, cum & ea Romæ nihil singulariter præ aliis adtribuant sed ita, in quo Encomiastæ ejus ita tripudiant, cum alii iterum non paucis habeat commune, Tertulliano id in sequentibus ostendente: Age, qui voles curiositatem melius exercere in negotio Salutis tuæ, percurre Ecclesias Apostolicas, apud quas ipsæ adhuc Cathedræ Apostolorum suis locis præsidentur, apud quas ipsæ auctoritatem literæ eorum recitantur, sonantes vocem, repræsentantes faciem. Proxima est tibi Achaja: habes Corinthum. Si non longè es à Macedoniâ, habes Philippos. Si potes in Asiam tendere, habes Ephesum. Si autem Italæ adjiceris, habes Romanam, scilicet Ecclesiam, vel potius Romam, unde nobis quoque authoritas præsto est statuta. In paulo antecedentibus ita de hac re scriptis: Hoc modo Ecclesiæ Apostolicæ census suos deferunt, sicut Smyrnæorum Ecclesia Polycarpum ab Johanne conlocatum refert, sicut Romanorum Ecclesia Clementem à Petro ordinatum. Id proinde utique & cæteræ exhibent, quos ab Apostolis in Episcopatum constitutos Apostolicos Seminis traduceant. Et iterum antecedenter latiorem hujus Elogii sensum describit verbis omnino hic etiam, quæ legantur, dignissimis: Apostoli, quos hæc adpellatio missos interpretatur, adiuncto per Sortem Matthiæ in Judæ locum ex autoritate Prophetiarum, primò per Judæam contestata Fide in JESUM CHRISTUM, & Ecclesiis institutis, dehinc in orbem profecti tandem ejusdem Fidei doctrinam Nationibus promulgârunt, & proinde Ecclesias apud unamquamque Civitatem condiderunt, à quibus traducem Fidei & semina Doctrinæ cæteræ exinde Ecclesiæ mutuata sunt, & quotidie mutuantur, ut Ecclesiæ fiant, ac per hoc & ipsæ Apostolicæ deputabuntur, ut loboles Apostolicarum Ecclesiarum. Omne genus ad originem suam censemur. Necesse est itaque tot ac tantas Ecclesias unam esse illam ab Apostolis primam, ex quâ omnes; sic omnes primæ & omnes apostolicæ, dum unam omnes probant Unitatem. Evidem hæc Tertulliani ad Augustinum Evangelicis vindicandum proprie non pertinent, duobus nimirum Seculis ante Augustinum scripta; quia tamen extra omne videatur esse dubium, Augustinum in Elogio Ecclesiæ Romanensi tanquam Apostolicæ adscripto ad hanc Tertulliani explicationem respexisse, eamque eo sensu dixisse Apostolicam, quo alia etiam Ecclesiæ ab Apostolicis Comitibus & Successoribus plantatae hoc Elogio fuerunt celebratae, non omnino præter rem illustrè hoc Tertulliani testimonium hic legitur, in hac Controversiâ plurimum inserviens, ne Roma id sibi tantum adscribat, quod alia etiam Ecclesiæ Antiquitas orthodoxa communè fecit, & in specie Augustinus iterum, præter laudatas nominatim Tertulliano Ecclesiæ stricto significatu Apostolicas, Ecclesiæ Carthaginensi, quam dum Romanæ comparavit, & utrique unum idemque adscriptis prædicatum, inde facilissimum est colligere, Euin neque hic per Principatum aliquid singulare & proprium ei adtribuisse. Ita autem Doctor augustinus, de controversiâ inter Cyprianum Carthaginensis, & Stephanum Romanensis Ecclesiæ Epilocos, circa hæreticorum anabaptismum longo tempore ultrò citròque ventilata, superius non semel memoratâ agens: Duo erant eminentissimarum Ecclesiarum, Romana scilicet & Carthaginensis Episcopi; Stephanus Baptismum Christi in nullo iterandum esse cœrebatur, & hoc facientibus graviter succenjetabat; Cyprianus autem in heresi vel Schismate baptizatos, tanquam non habentes Baptismum Christi, baptizandos in Catholicâ Ecclesiâ existimabat. Multi cum illo, quidam cum isto etiam sentiebant, utrique cum eis in Unitate consistentes. Si tum jam, non Cyprianidico, sed ipsius etiam Augustini tempore, Romanensis Cathedra Principatum, id est, juxta Bellarmini mente, Monarchicum in cæteras omnes & Occidentis & Orientis Ecclesias obtinueret principatum & regimen, aliter longè & non

de unicō
Bapt. c.
Petil. c. 14.

non ita comparativè Augustinus scribere debuisset, fulmenque Anathematis à Stephano in Cyprianum & cæteros Ecclesiarum in Africā Episcopos, Anabaptismi hæreticorum defensores iustum & iustum majoris omnino fuisse astimii, neque ita videretur contumum. Addo, aliter etiam omnino concipienda fuisse verba, quibus Cathedra Romanensi principatum adscripsit, quem non intelligi debere super cæteras Ecclesiarum Cathedras Monarchicum & imperativum, eo ipso satisclare Augustinus ostendit, dum non solam Romanensem Cathedram nominavit, ad quam Coecilianus innocenter & injustè ab Episcopis Traditoribus ac illegitimo eorum Concilio damnatus, ac Episcopatu contra omne æquum privatus, refugium habere potuit, suæque cause justitiam ibi commendare; sed cæteras Eidem jungit terras, exemplo videlicet *Tertulliani*, de quibus in genere, non Romanâ solum in specie, notanter monet, quod inde, tanquam Ecclesiæ strictiori significatu Apostolicis Evangelium ad ipsam venerit Africam, Apostolicasque latiori sensu, juxta Tertullianimentem, Ecclesias ibi institutas, quarum in sequentibus etiam verbis Augustinus idè monuit, ne quid Romanensis sibi proprium & singulare cum cæterarum præjudicio adtribueret, quod tum jam, imò Cypriani etiam tempore, ibi adfustum & maximo conatu adfectatum esse, ex non uno constat docimento. Quæ tamen omnia non cum in finem occasione Loci hujus Augustinianæ producuntur, ac si Ecclesiæ Romanensi tempore Augustini omnem præ aliis admire velimus prærogativam, id quod contra Lucem historicam hocque ipsum Augustini testimoniū effet, cuius & plurium aliorum claritate ducti & docti Evangelicæ Fidei Professores non negant, singularem honoris respectum cæteras non solum in Occidente, sed etiam in Oriente tunc Ecclesias erga Romanam habuisse, multumque Eidem in obortis Quæstionibus controversis, earumque decisionibus vel juvandis, vel suo etiam calculo confirmandis, ad maiorem Veritatis illustrationem detulisse, sicut non planè nullis ^{Vid. D. Dannh. cit.} l. de causis aliis, ita in specie idè etiam, quia tanquam caput orbis Roma ob Sedem Imperatoriam habita fuit. Sed quæcumque hic Romæ ex respectu certo præ aliis conceduntur, ipseque Augustinus hic & alibi Eidem adscripsit, nondum sufficientia tamen sunt aut esse possunt ad eliciendum aut quæcumque consequentiarum non illegitimarum vi extorquendum inde Monarchicum in universali Ecclesiæ Principatum, quem ipsum quoque Augustinum (quidquid etiam Monarchicis Defensoribus præ cœco talis Principatus amore videatur, omnibusque iis, quibus Seculi Genius in Ecclesiastico regimine, vel potius Ministerio non hierarchico, sed hierurgico placet) nullo plane modo agnoscere, sed eidem potius jam tum emergere & eminere volenti cum cæteris Ecclesiarum in Africā Episcopis omni modo & ratione contra-ivisse, dixisse & scripsisse, in sequentibus non semel decebitur.

Nunc cum Bellarmino nobis pergendum & eundum est plus ultra ad quartum ex Augustino argumentum, quo Monarchicum in Ecclesia regimen suffulcire studet, & defensivè quædem agendo, sed & illud in vanum. Objici inquit ab Anti-Monarchicis, qui præter Christum Ecclesiæ nullum aliud visibile agnoscunt caput, Ecclesiam nullib[us] in S. Scripturā dici corpus Petri aut Papæ, sed Christi. Inter cætera respondeat Bellarminus, *in illa prædicatione vocem Christi posse* (at hic non quæritur, quid possit, sed quid debeat:) *referri commode non tam ad Christum, ut caput, quam ad eundem Christum, ut hypostasis ejus* (scribere debebat, sui) *corporis*; *Christum enim non modo Ecclesiæ caput esse, sed esse ipsum quasi magnum quoddum corpus ex multis & variis constans membris.* Dixit aliquid Bellarminus, quid vero hæc distinctione ad objectionis elusionem evincere voluerit, ipse forsitan non intellexit. Ne tamen frustra id scripsisse videatur, Augustinum distinctionis laudatæ authorem produxit, ad Verba Pauli. *Sicut in uno corpore multa habemus membra, omnia autem membra, cum sint multa, unum est corpus, ita & Christus, sequentia observantis.* Non addidit *Apollonus*, ita & Christi corpus, sed ita & Christus. Addit Bellarminus: *Iam igitur Ecclesia corpus est Christi, non Petri, quia Christus tanquam corporis hujus hypostasis omnia suscitat membra, & omnia in omnibus operatur, per oculos videt, per aures audit; Ipse est enim, qui per Doctorem docet, per Ministrum baptizat, per omnes denique omnia facit, quod certè nec in Petrum, nec in ullum alium convenit hominem.* Atqui per hoc responsum manet objectio in suo valore, manet Ecclesiæ caput CHRISTUS, idè, quia in omnibus omnia operatur, nullo capite vicario visibili subordinato opus habens, sed Solus & unus omnia faciens. Neque alia mens fuit Augustini, metonymicam apostoli locutionem in proximè sequentibus à Bellarmino omissis breviter ita explicans:

Non

Tom I. Controversia II.

94

Lib. i. de
peccat.
merit.
remiss.
cap. 21.

Non dixit ita & Christi, id est, corpus vel membra Christi; sed ita & Christus, unum Christum adpellans Caput & corpus. Conferat studiosus Veritatis Lector ibidem proximè ante dentia, & Sensus erit eò manifestior. Indè nuperus verborum Pauli Interpres Fromondus idem notavit scribens: Ita & Christus, id est, ita corpus Christi mysticum, quod est Ecclesia, ex multis compositum est membris, quorum ipse Christus est caput; pro Ecclesia Christum posuit Apostolus, nomine capitum adpellans totum corpus, ut norant Chrysostomus & Theophylactus, quia caput cum ceteris membris unum constituit corpus. Addit pro confirmatione ul-

in Pf. 130.
vid. Urf. Anal. S.
Volum II. pag. 149. teriori ejusdem Augustini authoritatem, alibi in rem præsentem hæc scribentis: *Etiamsi Dominum nemo tangeret, clamat tamen de Cœlo, Saul, Saul, quid me persequeris? caput nempe pro corpore suo, quod in terrâ laborabat.* Quæ Eſtius ex hoc Pauli testimonio in contrariū pro obtinendo capite visibili & vicario instanter & prolixè urget, alibi discussa legi possunt.

Unum adhuc supereft, idque quintum numero, circa Augustini in hoc negotio auctoritatem, quamvis breviter expediendum, quia non singularis adeo momenti. Siftit Bellarminus pro ultimâ objectione hoc argumentum: *Si Mundus debet gubernari ab uno in iis, qua ad religionem pertinent, utile etiam esset, ut regeretur ab uno in iis, que ad politicum ordinem spectant.* At hoc neque factum est unquam, neque expedit ut fiat. Vt enim docet Augustinus, Feliciores essent res humanæ, si omnia Regna essent parva, & concordi vicinitate latantia. Respondet Bellarminus in genere, *Non esse eandem rationem Politici & Ecclesiastici Regiminis.* At meminisse debebat Bellarminus, se supra à Politici & Monarchici Regiminis statu & ratione ad rationem & statum Regiminis Ecclesiastici argumentatum esse, ad quod argumentum ex debito infringendum nulla commodior instantia dari potest, quam neque factum esse unquam, ut totus orbis ab uno gubernaretur Monarchâ, neque etiam expedire, ut unquam fiat; addo insuper, neque facile vel etiam dabile esse, ut omnes in universo orbe omnibusque ejusdem partibus uni se subdant & subjiciant capiti. Quod enim Bellarminus in paulò antecedentibus indirectè hoc argumentum tractans, ad Verba Lucæ de universi orbis descriptione tempore Augusti Romanorum Imperatoris factâ, hoc quasi fundamento uitit: *Cum Deus totum ferè orbem terrarum unius hominis Imperio parere voluerit, nunquam felicius administrato orbe terrarum quam temporibus Augusti, cui regnum à Deo preparatum fuerat, ut facilius Evangelium per totum deferretur orbem; cur non potuit etiam universam Ecclesiam unius hominis prudentia ac sollicitudini commendare, praesertim cum facilitor sit gubernatio Ecclesiastica quam Politica, & Reges illi non alia haberent praesidia quam humanam prudentiam & generalem Dei providentiam, Pontifex autem habeat supernaturale Lumen Fidei, Scripturas sacras, cœlestia Sacramenta & particularem Divini Spiritus aduentiam; ut plura nunc præterea alia, quæ rigoroforem merentur censuram, alibi forsitan uberioris excutienda, eo saltim Lectori eruditio rilatum debet, quod totum ferè orbem terrarum unius hominis, id est, Augusti imperio paruisse in tantâ Historiarum Luce scripsit.* Certè si Lipsium Romæ non vetustioris solum, sed & recentioris admiratorem ad stuporem usque, & tantum non planè ex nimia admiratione stupidum, in describendâ Magnitudine Romanâ ejusdemque Majestate & potentia consuluisse, non ita liberaliter de amplitudine Eius scripsisset. Is citans aliquem Dionysii Halicarnassæ locum, Urbi Romanæ adscribentis, *quod toti imperiū orbis, quā quidem inaccessus non fuerit habitatusque ab hominibus, pro explicatione hæc addit: Terras omnes tribuit & maria, sed ut decuit Hisboricumbona fidei, cum aliquā restrictione aut exceptione, sejunq̄tque inaccessa & inhabitata loca, itemque maria ignota.* Enim verò, si proprius inspicias, nec omnia quidem loca habitat a sub Imperio habuit, non, hercules, & multa sub Parthorum jure ad orientem fuere, multa libera, aut sub regibus ad Septentrionem & Meridiem. Hinc celeberrimus hodiè in omni ferè literaturâ Conringius notanter:

Pref. ad Tacit. de Serm. pag. 23. conf. Dillherr. Dispp. Tom. I. pag. 435. Ex illo, quod Imperatores antiqui Dominos se Mundi vocaverint, aut quod in Sacro Luca Evangelio Romani Imperii orbis inservire, voce sit adpellatus, credere cum quibusdam, nihil non terrarum Romanis paruisse, non amplius forè error, sed stupor est. Etsi autem Bellarminus non absolute totum orbem terrarum, sed cum aliqua restrictione totum ferè orbem Augusto paruisse scribit, nemo tamen non videt, Eum quam proximè ad eorum accessisse Sententiam, qui totum orbem Romanis illo tempore subditum fuisse existimârunt. Mirum, quod Alexandrum Virtutibus & vitiis magnum, Augusto non adjunxit Bellarminus, cù de Eo etiâ vulgo statuatur, quod totum terrarum orbem armis subjugârit. Sed missis hisce videamus porrò, quid in specie ad laudatū Augustini testimoniu respōdeat Bellarminus: *Quia non videtur posse fieri talis Monarchia universalis, nisi adhibita vi magna & mulier magnis Bellis, ideo Augustinus recte dicit, feliciores fore res humanas, si parva essent ubiq̄ regna di-*

concordi vicinitate letantia, quā si unusquisque Regum per sas & nefas Imperium suum extenderet & propagare contendat. Addit autem præter hæc: Probat quidem Augustinus parva regna, sed non negat, utile futurum, separatis Regibus ipsis unus aliquis summus Imperator præstet; quin potius id adfirmare videtur, cū parva illa regna concordi vicinitate letantia esse debere ait, quem ad modum multa domus se habent in Civitate. Verum fallitur Bellarminus, si putat, Augustinum hæc comparatione domuum in Urbe, cum parvis in orbe terrarum regnis, ad universalem aliquam respexisse Monarchiam, ab uno homine dependentem. Quid si enim dicatur, Augustinum hoc voluisse, ut, ad quem modum in unā Urbe civium plurimæ sunt domus, quæ tamen non semper necessario ab uno Monarchice, sed sèpè ab optimatibus Aristocraticè, quin & à pluribus civium Democraticè, imò etiam non raro mixtum vel Monarchico-Aristocraticè, vel Aristocratico-Democraticè, ut de aliis jam non dicam speciebus vel nominibus, reguntur; ita etiam parva Mundi regna gubernari ab uno toto Orbis Domino vere Catholico, ipso nimis tū Deo, Regum Rege & Dominorū Domino Potentissimo, & quidem, ut Bellarmino supra scribere placuit, per generalem, imò etiam per specialem, & si ita dicere licet vel scribere, specialissimam Providentiam?

Dudum hæc contra Bellarminum erant scripta, ex quo nova quedam lis est orta inter Norisium, Professorem primò Patavinum, post Pisanum, ob Vindicias, quas non ita pridem edidit Augustinianas, & quosdam rigorosiores Dogmatum Sedis Romanæ Promachos, & Defensores, scriptis nimis acerbis hic & ibi vulgatis, prodeunte è posteriorum numero post Brunonem Neuserum non ita pridem Fulgentio quodam Risbrochio, qui ad Antecessoris Exemplum non contentus examinasse dictas modo Vindicias quamvis non in omnibus, sed prout fuit libitum & visum, è ceteris etiam Norisi operibus, quæ hisce præmiserat Vindiciis, nimis de Historia Pelagianæ & Synodo quintâ, excerpit quedam, quæ suâ putavit censurâ non indigna. Et quidem è posteriore sequentia exhibuit verba rigoroso Examini subjicienda: *Divus Petrus in omnibus mundi partibus tres Sedes Patriarchales fundavit, Romanam in Europâ, Alexandrinam in Africa, Antiochenam in Asia; ut jam Sacra illa Aristocracia ex integrō à D. Petro Christi Vicario fuerit instituta. Harum Praefuses in aliquo convenienter, in aliis vero plurimum discriminantur.* Nam licet spectato jure Patriarchali tres illi Antistites equalis sint authoritatis, ac nullus ab altero dependeat, jure tamen Papali uni Romanae Sedi duabus subiectiuntur reliqua. Quæ contra hanc Norisi, Doctoris Augustiniani, Sententiam prolixè Risbrochius obseravit, Instituti prælensis ratio non requirit, ut adscribantur, præter id solum, quod circa ultimum ejus paragraphum ac consequentiam inde faciendam notavit, scribens: *Ius Papale nihil continet novum supra jus Episcopi & Patriarchæ Romani.* Quare si illi Episcopi & Patriarchæ, Alexandrinus & Antiochenus, pares sunt Episcopo & Patriarchæ Romano, etiam Papæ Romano pares sunt; nomen quippe Papæ commune erat in Ecclesia ante Concilium Chalcedonense alius (etiam) Episcopus, unde nihil speciale concedebat Episcopo Romano. Hæc autem uti verè se habent, ita quod priora attinet Norisi verba, Aristocratiam Ecclesiæ commendantia, non video, cur huic Dogmati Calvinismum in lemmate præscripterit, addens in ejus refutatione, *proprium hoc fuisse Calvino, cui demum Brentius ex Evangelicis Doctoribus calculum adjecterit.* Si enim in Scriptis Lutheri versatus magis fuisse, scio, Lutheranismum vocasset, imò indice Lutero Augustinianum. Ut hoc ostendatur, luet è prioribus & posterioribus Ejus Scriptis aliqua huc adponere, quatenus videlicet ipsa Augustini authoritas concurrit. Ex illorum serie sunt, quæ primo Operum *læna* editorum Tomo exhibentur, cui inter alia sunt inserta, quæ Augustæ cum Thomâ Cajetano sunt gesta, post quorum recensionem occasione data de hæc Quæstione sic scripsit Lutherus: *Plus quā octingentorum annorū Christiani totius orientis & Africæ nobis ex Ecclesia Christi ejiciunt, qui nunquam sub Romano pontifice fuerunt. Nam adhuc Gregorii M. tempore Pontifex Romanus non salutabatur Episcopus universalis. Imo ipse met Gregorius, licet Episcopus Romanus, accrimè persequitur nomen universalis Episcopi & totius Ecclesiæ Pontificis plus fere sex Epistolis, ut non dubitet vocabulum ejusmodi profanum adpellare, quod nostro Seculo & solum vocatur Sanctissimum. Sicut enim Petrus ceteros non creavit Apostolos, (sic enim hodiè vocatur Episcopos ordinare,) ita Successor Petri nullum successorem aliorum creavit Apostolorum. Deniq; non nisi Fratrem, & Co-Episcopum, & Collega vocaverunt Pontificem Romanum Episcopi ceteri, ut Cyprianus Cornelius, & Augustinus Bonifacium & alios. In eodem Tomo continentur resolutiones Lutheri non modo universales de Propositionibus suis Lipsiæ cum Eccio disputatis, sed resolutio etiā particularis super Propositione ultimâ de potestate Papæ, in quâ postquam sufficenter respondit ad*

Pag. 171.
conf. Frac.
Hallier, de
Eccles.
Hierarch.
pag. 695.
seqq.

P. 190.b.
m. fine.

Tom I. Controversiae III.

96

ca ex Jure Canonico loca , quæ ad ejus demonstrationem *Ecclesiæ* objecerat , ipse alia ex eodem objecit in contrarium , inter quæ primus è distinctione ante centesimam proximam hunc Conciliu cuiusdam *Africanæ* , quod ordine tertium inter *Carthaginensem* tolerat recenseri , canonem numero vigesimum & sextum proponit : *Prima Sedis Episcopus* non

pag. 303.

*adpelletur Princeps Sacerdotum , vel summus sacerdos , aut aliiquid hujusmodi , sed tantum prima Sedi Episcopus ; & sequitur , Universalis autem nec etiam Romanus Pontifex adpelletur . Hic Ego , inquit Lutherus , in judicium voco ipsos Canones & Canonistas , doceant me , quæfo , quid hic dicam . Itse Canon probatus est . Sed vide , quantò majora committat criminia in Summum Pontificem , quam ego unquam autus essem cogitare . Primo , non solum frigidos adlerit , sed & negat , & prohibet atque damnat eos Canones & Canonistas , qui Pontificem Romanum adpellant Principem , Caput , Summum & Maximum . Deinde , primatum ei auferens penitus eum reliquis primarum Sedium Episcopis , id est , Patriarchis æquat . Ubi sunt ergo , qui me nova posuisse gariunt , qui superiora dixi frigidissima Decreta ; & credo , non inique . Nam hic Canon Concilii Africani è plus illis preferendus est , quod longius reredit ab ambitione , & Evangelicam sapit modestiam . Quid hodie contra hunc Canonem , quem cum ceteris Augustinus huic Concilio præsens subscriptione suā adprobavit , excipiunt Authoritatis Romanæ superciliosi hyperaspistæ , non ignotum est ; videlicet , *Africanos Praesules Romanis Pontificibus nihil quidquam potuisse per authoritatem prescribere , aut eorum iuri derogare , præterquam , quod posteriora , quæ Lutherus citat , verba non Concili , sed Gratiani tantum sint , adeoque non ejusdem valoris cum prioribus . At tantum abest , ut Lutherum hoc impediverit , quo minus uteretur hoc Decreto ; quin potius existimat , maximam ei inesse vim ob authoritatem Ecclesiæ tum temporis *Africanae* , & præsertim Concilii illius *Carthaginensis* , quod nullibi legitur repudiatum , acceditibus etiam testimoniois ipsorummet Pontificum Romanorum *Pelagii* , & *Gregorii* cognomento *Magni* , quæ *Gratianus* , in citatà distinctione , & ex eâdem Lutherus adduxit & commendavit in laudatâ resolutione , quæ sufficere possunt , etiamsi verba , *Universalis autem nec etiam Romanus Pontifex adpelletur* , in illo Canone Synodali non legantur , sed à *Gratiano* sint adposita , dum virtualiter in illo generali Decreto contineantur , prout Pontifices dicti suo adprobârunt consensu ; ac propter id *Glossa Juris Canonici* sub initium adductæ Distinctionis notanter obseruavit , ostendere *Gratianum* in eâ , quod nec *Romanus Pontifex* debeat universalis adpellari . Satis hoc esse debet ad Vindicias pro Lutherio , quoad hujus Decretri authoritatē , contra recentiorū exceptiones , quod in hac tractatione è gratius est , quia ad *Augustinum* quoq; pertinet , huic Concilio & præsente , ut dixi , & Ejus Decreta adprobantē . Neq; hic substitut opera Lutheri in oppugnando Papæ primatu ex autoritate *Augustini* , sed plura adhuc sunt super ad negotium hoc spectantia , è quorum numero quædam porrò lubet adscribere . Postquam videlicet ejus nullitatem testimoniois *Hieronymi* evicit , ita continuavit textum : *Huc & L. II. c. 2. Cyprianum voco , quem & Augustinus allegat , dicentem : Nec quisquam nostrum Episcopum se esse Episcoporum constituit , aut tyrannico terrore ad obsequendi necessitatem Collegas suos adgit ; quando habet omnis Episcopus pro licentia libertatis & potestatis sua proprium arbitrium , tanquam ab alio judicari non possit , quomodo nec ipse potest alterum judicare , sed expectemus universi judicium Domini nostri JESU Christi . Hic Martyr gloriosus palam confitetur , esse tyrannidem , ab uno Episcopo alios cogi ad obedientiam . At hanc tyrannidem velut Injustiam penè omnes Decretalium Syllaba & statuunt & servant tanquam authoritatem Divinam . Deinde mirum est , inquit Lutherus , quod Augustinus non redarguit Cyprianum à se allegatum , si sensit Eum contra lus Divinum loqui , sed potius cum Eo sentit , omnes scilicet Episcopos aequales esse . Sic paulò ante finem hujus luae resolutionis inter alia contra hunc primatum Papæ Monarchicalm scripsit : Numquid Cyprianum & Augustinum , aliosque Africæ Episcopos confirmavit Papa , qui tamen de Latina erant Ecclesia ? numquid eorum impeditivit Concilia , aut Conciliabula fuerunt , quia sine Romani Pontificis autoritate sunt gesta , ut in eorum libris habetur clarè ? Ita Lutherus de Potestate Pontificis Romani in primo operum Tomo . Verùm nec aliter de eâ judicavit in postremo , qui inter alia exhibet Ejus *Prefationem in Epistolam Hieronymi ad Eusebium* , quæ de hoc agit argumento , ubi sequentia leguntur huc omnino referenda : *Vides hic , tempore Hieronymi , (sicut & Ambrosii & Augustini ,) nullum fuisse ArchiEpiscopum in Ecclesia , nullum Patriarcham , nullum Primatem , nullum Metropolitanum , multò minus Papam seu Pontificem Oecumenicum , sed omnes erant Episcopi inter se aequales . Deinde ipsi uidem Episcopi , qui Presbyteri , (videlicet antehac , ex testimonio Hieronymi) & econtra ; denique Episcopum Eugubii , non longè à Româ oppiduli , aequali esse dicuntur .****

de Bapt.

p. 408. b.

cit

cit ipsi Episcopo Romano. Heu, quantus futurus hereticus, si viveret hodie Vir Sanctus! Et mirum, quod non millies eum damnent ultra Tartara cum omnibus Scriptis ejus. Fuit & vocabulum Papæ nomen Episcoporum commune. Sic Hieronymus vocat Augustinum Papam sanctissimum, & Cyprianum vocabant Papam in Ecclesia Carthaginensi. Quare evidens est, totam illam Hierarchiam Papalem esse doctrinas hominum, seu verius Demoniorum, introductas per falsos loquos hypocritas. Et quod mirandum est, eo tempore nec differentia Donorum & Gratiarum spiritualium (quibus tamen maxime debebatur Dignitas præcellentia seu Superioritatis) faciebat Episcopos superiores. Nam Augustinus inter Episcopos Africæ doctissimus & facundissimus locum tenuit suum inferiorum veluti junior, & tamen in Synodis cogebatur publicè docere vel orationem habere, quod erat vel Carthaginensis, si loci dignitas aliquid valueret, vel alicujus Episcopi senioris. Erantisti virtus sanctissimi revera, quod vocabantur, id est, vere Episcopi, non suam querentes vel gloriam, vel dignitatem, sed animarum salutem & utilitatem Ecclesie. Haec & alia adhuc longè plura, si in Scriptis Lutheri auctoritate Augustini confirmata legisset Anti Noris, non Calvinismum in statuenda Ecclesia Aristocracia suo, quem elegit oppugnandum, objecisset adversario, sed potius agnoscisset, ipissimum esse Lutheranismum, imo quod supra innui & haec tenus ex Luthero ostendi, Augustinianum, quod hanc occasione breviter fuit demonstrandum.

CAPVT DECIMVM,

DE

Petrâ Ecclesiæ,

Matth. 16.

Per quam intelligi in specie Petrum, id est, illam personam, quæ dicebatur Petrus, non tam ut persona erat particularis, sed ut Pastor & Ecclesiæ caput, consentite Ecclesiarum & Græcæ & Latinæ Doctores, audacter iterum scribit Bellarminus, hujus fux auctoritatis nunc solum ex Augustino convincendus, cuius duo testimonia in rem suam producit, & prius quidem ita se habens: *Numerate Sacerdotes vel ab ipsâ Petri Sede, ipsa est in Psalmo contra Petra, quam non vincunt superba Inferorum porta.* Sed ipse Bellarminus reponsum nobis suppeditat, circa hoc testimonium observans, *Augustinum non tam Petrum, quam Eius Donati, Sedem vocare Petram;* sibi tamen è vestigio contradicens, *Petrum esse Petram, non ut est oper. Tom. 7.* particularis homo, sed ut Pontifex, quod priori plane non convenient observationi, sicut & illud inde absurdum emergit, si standum si Bellarminianæ huic observationi, Ecclesiam super Ecclesiam esse ædificatam, ac Ecclesiam esse fundamentum Ecclesiæ. Posteriorius ex Augustino testimonium à Bellarmino pro Petro Ecclesia Petram laudatum haec est: *Petrum Ecclesiæ fundamentum Dominus nominavit, & ideo fundamentum hoc Ecclesia dignum colit, supra quod Ecclesiastici adfisci consurgit altitude.* Quæ circa hoc & antecedentes de Sanctis testimonium possent notari, nunc non uberioris rango, eo contentus, agnosceré Bellarminum, quod Augustinus alibi non semel per Petram intellexerit Confessionem à Petro editam, quin & retractaverit, ubi antehac scriperat vel docuerat, *super Petrum ædificatam esse Ecclesiam, cum super Christum potius dici debeat adfiscata,* & ita intelligendum esse hunc locum, id in super addentem: *Augustinum non reprobare quidem Sententiam de Petro Ecclesia Petram, sed iam anteponere aliam.* Verba Augustini, prout à Bellarmino citantur, & huic Controversiæ inserviunt, sequentia in Retractationibus extant: *Dixi in loco quodam lib. I. c. 21. de Apostolo petro, quod in eo, tanquam in petrâ, fundata sit Ecclesia, qui sensus etiam cantatur in ore multorum in versibus Beatissimi Ambrosii, ubi de Gallo gallinaceo ait, Hoc, ipsâ Petram Ecclesiæ canente culpam diluit. Sed scio me postea sapientissime exposuisse, quod à Domino dictum est, Tu es Petrus, & super hanc Petram ædificabo Ecclesiam meam, ut super hanc (vel, super hunc) intelligeretur, quem confessus est petrus, dicens, Tu es Christus, Filius dei vivi, ac si, (alias, sic) Petrus ab hac petrâ appellatus personam Ecclesiæ figuraret, (vel potius, figurat,) que super hanc petram adfiscatur & accepit claves regni Cœlorum. Non enim dictum est illi, tu es petra, sed tu es petrus; petra autem erat Christus, quem confessus Simon, sicut eum nota confiteatur ecclesia, dictus est Petrus.* Addit Augustinus Doctor, ne quem suâ autoritate ad amplectendam hanc posteriori Sententiam videatur obligare aut compellere: *Harum duarum Sententiarum, que sit probabilior, eligat Lector.* Non urgebo, aliqua à Bellarmino in hujus testimonii exhibitione aliter citata, ac in ipso leguntur Augustino; *num. 12. conf. Ca. saub. Ex. erc. c. Ba. ron. 15.*